



Kamis, 4 Juni 2023
Ogen: Pengerana 3:12-13



Ngenanami Kesenangan Geluh



Aнна Eleanor Rosevelt, sekalak diberu sipernah jadi ibu negara i Amerika i bas tahun 1933-1945. Ia tubuh i bas keluarga si cukup, amin bage gia mbue ka nge perbeben bas jabuna. Ia igelari pe selaku "ibu negara dunia" sabap paksa geluhna iusahakenna mpenangkih erga diri pekerja diberu, mengupayakan pembentukan PBB (Perserikatan Bangsa-Bangsa), bage pe jadi Ketua Komite si merancang ras menyetujui kerna Hak asasi manusia. Dahin-dahin social kemanusiaan mbue idahikenna asum ia nggeluh. E maka lit sada perkatanna "Tujuan hidup adalah untuk menjalaninya, untuk merasakan pengalaman, meraih semangat tanpa rasa takut akan pengalaman yang lebih baru dan lebih kaya." Eleanor Rosevelt ndalani geluhna desken sada perdalanan, si ngelawan kebiaren, tantangan ras terbuka guna si mbaru.

Kitab Pengerana nuriken kerna kinata geluh manusia, si megati ndarami kesenangan, jadi kalak hedonis. Pamer barang mewah, gawah-gawah ku jah kuj e, upload foto tawa-tawa ras man-man bas café, tempa genduari e jadi sada pengakun man jelma si enterem "maka aku enggo senang." Tapi secara halus Pengerana "menyindir" biak geluh si bage, *la lit terulin man banta seakatan ersenang-senang...* Kerina upayanta nilahken perbeben ras kesusahen, melariken diri arah tantangan arah erfoya-foya labo kepeken nambahken kebayaken man pertendinta. Kalak si senang e me kalak si ermengkah ate. E maka adi ateta ngenanami kesenangan, daramilah ketuhutuhun. Adi si tuhu-tuhu e, e me Kesah si Badia e enggo bas kita, ipengasupna kita ermengkah ate bas kerina dampar geluh. Tujun geluhna iubahken, kesenangan geluhna la terjeng ersenang-senang secara doni. Ngalaken kiniseran pe jadi kesenangan man banta, sabap si eteh Tuhan kap ras kita. Man minem si tep-tep wari e pe, ntabeh nanamna.